



Broj: 03-02-11-16600/17  
Sarajevo, 24.04.2017. godine,

Na osnovu odredbi člana 39. stav 1. i člana 40. st. 1. i 2. Zakona o notarima, ("Službene novine Federacije Bosne i Hercegovine", broj: 45/02), Ministarstvo pravde i uprave Kantona Sarajevo, raspisuje sljedeći:

**K O N K U R S**  
**ZA IZBOR JEDNOG (1) NOTARSKOG POMOĆNIKA**  
**U NOTARSKOM UREDU NOTARA INDIRE TURKMANOVIĆ**  
**sa službenim sjedištem na području Kantona Sarajevo – Općina Stari Grad**

**Predmet Konkursa**

Predmet ovog Konkursa je izbor jednog (1) notarskog pomoćnika u notarskom uredu notara Indire Turkmanović, sa službenim sjedištem na području Kantona Sarajevo – Općina Stari Grad.

Postupak izbora notarskog pomoćnika, koji se traži ovim Konkursom, izvršiće se u skladu sa relevantnim odredbama Zakona o notarima ("Službene novine Federacije Bosne i Hercegovine", broj: 45/02).

**Opći uslovi za imenovanje notarskog pomoćnika**

Kandidati moraju kumulativno ispunjavati sljedeće uslove:

- 1) Da je državljanin Bosne i Hercegovine.
- 2) Da ima poslovnu sposobnost i ispunjava opće zdravstvene uslove.
- 3) Da je diplomirao na pravnom fakultetu u Bosni i Hercegovini, ili na pravnom fakultetu u SFRJ prije 06.04.1992. godine. Ukoliko je diploma stečena na pravnom fakultetu u nekoj drugoj državi, ovaj uslov se stiče nakon nostrifikacije diplome od strane nadležnog organa.
- 4) Da je položio pravosudni ispit u Bosni i Hercegovini, ili u SFRJ prije 06.04.1992. godine. Ukoliko je pravosudni ispit položen u nekoj drugoj državi, ovaj uslov se stiče nakon priznavanja ispita od strane Federalnog ministarstva pravde.
- 5) Da nije osuđivan na kaznu zatvora za krivična djela protiv čovječnosti i međunarodnog prava, protiv službene ili druge dužnosti ili za krivično djelo izvršeno s umišljajem, koje u vrijeme izbora još nije brisano iz kaznene evidencije koju vodi nadležni organ.
- 6) Da nije član političke partije.

## **Potrebni dokumenti**

Kandidati su dužni priložiti originale ili ovjerene fotokopije sljedećih dokumenata:

- 1) Prijavu sa biografijom, adresom i kontakt telefonom.
- 2) Izvod iz matične knjige rođenih (ne stariji od šest mjeseci).
- 3) Uvjerenje o državljanstvu (ne starije od šest mjeseci).
- 4) Uvjerenje o zdravstvenoj sposobnosti (ne starije od šest mjeseci).
- 5) Diplomu o završenom pravnom fakultetu.
- 6) Uvjerenje o položenom pravosudnom ispitu.
- 7) Uvjerenje Ministarstva unutrašnjih poslova da nije osuđivan za krivična djela protiv čovječnosti i međunarodnog prava, protiv službene i druge dužnosti ili za krivično djelo izvršeno s umišljajem, koje u vrijeme izbora još nije brisano iz kaznene evidencije koju vodi nadležni organ (ne starije od šest mjeseci).
- 8) Ovjerenja izjava da nije član političke partije.
- 9) Dokaz o vrstama pravnih poslova koje je kandidat obavljao prije i nakon položenog pravosudnog ispita.
- 10) Uvjerenje o prosjeku ocjena na pravnom fakultetu.

## **Rok za podnošenje prijava i objava Konkursa**

Rok za podnošenje prijava na ovaj Konkurs je trideset (30) dana od dana posljednje objave ovog Konkursa.

Konkurs se objavljuje u dnevnom listu Oslobođenje, te u Službenim novinama Federacije Bosne i Hercegovine.

## **Rok za obavještanje kandidata o rezultatima Konkursa i konkursni postupak**

Kantonalni organ za upravu – Ministarstvo pravde i uprave Kantona Sarajevo, dužno je u roku od petnaest (15) dana nakon isteka roka za podnošenje prijava na ovaj Konkurs, predložiti Notarskoj komori Federacije Bosne i Hercegovine, listu kandidata koji ispunjavaju uslove tražene u Konkursu.

Notarska komora Federacije Bosne i Hercegovine, u roku od trideset (30) dana nakon predložavanja liste kandidata, donosi Rješenje o izboru kandidata za notarskog pomoćnika.

Kandidati koji ne budu izabrani za notarskog pomoćnika, dobijaju pismeno obavještenje koje sadrži razloge zbog kojih nisu izabrani, kao i podatke o kandidatu koji je izabran za notarskog pomoćnika.

Protiv Rješenja o izboru notarskog pomoćnika, može se u roku od osam (8) dana nakon prijema Rješenja, odnosno Obavještenja, uložiti prigovor Federalnom ministru pravde. Prigovor protiv Rješenja o izboru kandidata za notarskog pomoćnika odlaže izvršenje Rješenja.

Federalni ministar pravde je dužan u roku od trideset (30) dana od dana prijema prigovora, odlučiti o istom. Rješenje kojim je odlučeno o prigovoru je konačno.

Protiv Rješenja kojim je odlučeno o prigovoru, kandidat ima pravo na zaštitu svojih prava pred nadležnim sudom, odnosno pred drugim državnim organima, u skladu sa zakonom, u roku od trideset (30) dana, od dana prijema konačnog rješenja.

### Mjesto i način prijavljivanja

Prijava na ovaj Konkurs, sa svim traženim dokumentima, dostavlja se lično ili preporučenom poštom na adresu:

Kanton Sarajevo – Ministarstvo pravde i uprave Kantona Sarajevo, Ulica Reisa Džemaludina Čauševića 1, Sarajevo – Protokol (prizemlje).

Na koverti sa prijavom i traženim dokumentima, naznačiti:

Prijava za izbor jednog (1) notarskog pomoćnika u uredu notara Indire Turkmanović, sa službenim sjedištem na području Kantona Sarajevo - Općina Stari Grad – Ne otvarati.

Na poleđini koverta navesti ime i prezime podnosioca, adresu i kontakt telefon.

Nepotpune i neblagovremene prijave neće biti razmatrane.



**web:** <http://mpu.ks.gov.ba>  
**e-mail:** [pravda@ks.gov.ba](mailto:pravda@ks.gov.ba)  
Tel: + 387 (0) 33 562-083, Fax: + 387 (0) 33 562-241  
Sarajevo, Reisa Džemaludina Čauševića 1

